



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicoꝝ Per Germaniam, Belgivm,
Galliam, Hispaniam, Italiam, Aliasqve Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt XLI.

urn:nbn:de:hbz:466:1-11227

one, corpus S. Piatî Carnutum in Galliam est translatum, eaque defœuiente Seclinium est reportatum. Mansit tamen pars, reliquiarum eius Carnuti, quæ ibidem hodieque in XII. Canonorum Basilica adseruatur. Hæc ex vita S. Piatî anno 1591. Duaci cum officio Ecclesiæ Tornacesis, excusa didici. Vide Molanum in Natalibus Sanctorum Belgij.

CAPVT XLI.

MONASTERIVM SVPERIVS Ratisbonense, Germanicè Ober Munster, Virginum nobilium Canonissarum.

Monasterium Superius, sicut & Inferius, & S. Pauli in Ratisbona, nobilium Virginum hoc tempore collegia potius dicenda sunt, quàm monasteria. nulla enim regula aut voto tenentur, præter obedientiam: licet illis egredi & nubere, excepta Abbatissa, propter benedictionem. An verò hæc libertas seu licentia potius (quam sibi à quinquaginta annis, vt auctor est D. Laurentius Hochvvar) vendicarunt, quod singulæ suas distinctas domos vno muro & porta conclusas habeant, ita vt in vno reſectorio & dormitorio, nec cibum capiant, nec somnum, quod ad magnam leuitatem præbet occasionem) primæ horum monasticæ institutioni conueniat, vel ipsum nomen monasterij satis declarat. Vnde apud

F

omnes

omnes bonos non nimis benè audiūt, & feue-
ra sanè reformatione non minus indigerent,
quàm tempore Diui VVolffgangi, qui pro-
pter dissolutissimam vtriusque monasterij
vitam, tertium *Sancti Pauli* sub arctiore regu-
la & disciplina instituisse scribitur, quorum
exemplo alia duo ad meliorem vitam, quasi
inuita, pertraherentur. Subiecta sunt hæc duo
monasteria *Superius*, & *Inferius*, Romanorum
Imperatori, quoad sæcularia, in spiritualibus
verò Episcopo Ratisbonensi, tamquam Or-
dinario loci, Aduocatum verò habent Ducè
Bauariæ.

Fuerunt autem illa monasteria *Superius* &
Inferius ante istas fundationes & dotationes
pauperes cellulæ feminarum religiosarum, fi-
cut in *Chronicis* legitur.

INFERIVS MONASTERIVM RA-
tisbonense, Germanicè, *Nider Munster zu*
Regensburg.

INferius monasterium Ratisbonense, no-
bilium virginum Collegium, institutum
est per *Iuditham*, filiã Arnoldi Mali, Ducis Ba-
uariæ, vxorè Hénrici primi, Ducis Bauarię ex
gente Saxonum, fratris Othonis primi & ma-
gni Imperatoris, raræ pulchritudinis & pud-
icitiaë feminã; cuius mausoleum ibidè in aditu
monstratur. Testantur id diplomata Othonis
primi Imperatoris magni, qui aliqua prædia &
curtes

curtes dono dedit, nec non S. Henrici.

Ratho Damasianus Comes, eo tempore Orientalis Boiariæ, nunc Austriæ marchio, cum hac *Iuditha*, deuotionis gratiâ, Ierosolymam profectus est.

Ibidem sepulta est *Gisala*, vxor Henrici Secundi, Ducis Bauariæ, mater Henrici sancti Imperatoris: vt testatur crux aurea à filia huius *Gisalæ*, Regina vngariæ donata.

Laurentius Hochvart, Canonicus Ratisbonensis & Patauiensis, veterum monumentorum auidissimus inquisitor, in Chronicis suis Episcorum Ratisbonensium, hoc monasterium scribit exstructum esse anno Domini 900.

S. PAULI MONASTERIUM RATIS-
bonense.

Cum monasteria duo, Inferius & Superius, Ratisbonæ à regulari vita multum discessissent, nec reformari vellent, *S. VVolfgangus Episcopus*, tertium, rempè *Sancti Pauli* monasterium Virginum instituit anno nonagesimo nonagesimo quarto, sub regula & professione S. Benedicti; & congregationi huic primam Abbatissam præfecit *Brigitham*, Sancti Henrici Imperatoris sororem à se Baptistatum; ad quarum regularem obseruatiâ & imitatione alia duo monasteria sic excitata sunt. vnde versiculus, què ipsemet scripsit,

struxerat adiculam Mandrita Lupambulus ista.

Lupambulus, id est *VVolfgangus*. Iuuit eum Henricus Dux Bauariæ, pater Sancti Henrici Imperatoris.

Sic ferè Hundius in Melropoli sua Salisburgensi.

CAPVT XLII.

S. DONATIANI COLLEGIVM Cathedralis Brugense in Flandria.

S Donatianus Remorum Archiepiscopus septimus in ordine numeratur, estque translatus ad secundam Comitatus Flandriæ urbem, quæ à pontium multitudine Brugarum nomen habet. Translationis autem hæc fuit occasio, cum Normanni & Dani tertio Flandriam ferro & igne vastassent, Balduinus Ferreus, Forestarius Flandriæ, Iuditham Caroli Calui filiam rapuerat, & vxorem duxerat. Sed pace composita per Nicolaum primum, & Ebonem Rhemensem Episcopum, dotis nomine accepit totam regionem Scalde, Somona, & Greano terminatam: dictusque est Comes regni Francorum, & Marchio Flândriæ, eo potissimum nomine, vt aduersus omnem Aquilonis barbariem, perpetuus foret regni Francorum propugnator. Ebo quoque pacis Frandriæ confirmandæ causa, & vt ferocis gentis animi, cultu religionis mitescerent